

## **Napparsimasunut Danmarkimut katsorsartikkiartortunut aaqjissuussaq nutaaq ulloq 01.01.2017 atuutilissaaq.**

### **Tamatuma kingunerisaanik:**

- Napparsimasut Kalaallit Peqqissartut Illuanni inigisaminni qanigisaminnik ataatsimik akeqanngitsumik ineqateqarsinnaapput.
- Qanigisaasoq Kalaallit Peqqissartut Illuanni najugaqarnermi nalaani akeqanngitsumik ullaakkorsiorsinnaavoq.

Siusinnerusukkut qanigisaasut unnuinertik nerisatillu tamaasa namminneerlutik akilertarpaat.

### ***Kina qanigisaasua?***

Napparsimasup nammineerluini aajalangertassavaa kina qanigisatut pineqas-sanersaq. Tassaasinnaavoq inooqatigisaq / aappaasoq, ilaqutaasoq imaluunniit ikinngut.

### **Qanigisaasup Kalaallit Peqqissartut Illuanni najugaqarnerani pissutsit makku atuutissapput:**

#### ***Qanigisaasoq napparsimasup Kalaallit Peqqissartut illuanni inigisaani akeqanngitsumik inissineqarsinnaavoq, taamaattoqassappalli Kalaallit Peqqissartut illuat inissaqartitsinersoq apeqqutaasassalluni.***

Napparsimasumut qanigisaasoq inissineqarsinnaavoq taamaallaat napparsimasoq Kalaallit Peqqissartut Illuanni inissineqarsimappat.

Napparsimasoq napparsimavimmut unitsinneqaruni taava qanigisaasup Kalaallit Peqqissartut Illuanni akeqanngitsumik inissisimatinneqarnera atorunnaassaaq. Inissaqartitsisoqarpat qanigisaasoq nammineq akiliilluni Kalaallit Peqqissartut Illuanni najugaqannarsinnaavoq.

Soorunami Kalaallit Peqqissartut Illuat peqqinnissaqarfimmi napparsimasunut pingaarnertut atorneqartussaavoq. Kalaallit Peqqissartut Illuat qanigisaasumut inissaqartitsinngippat qanigisaasup akunniffimmini ineqarnissani tassungalu aningaasartuutit nammineerluni akilertussaassavai.

### ***Qanigisaasoq Peqqissartut Illuanni najugaqarnermi nalaani akeqanngitsumik ullaakkorsiuutitortarsinnaavoq.***

Tassa imaappoq, qanigisaasup napparsimasoq ullaakkorsioqatigisarsinnaagaa napparsimasup inigisaani ineqatiginerata nalaani. Tamanna aamma isumaqarpoq qanigisaasup ullup sinnerani nerisaqarnissani taakununggalu aningaasartuutit akisussaaffigisassammagit.

### **Qanigisaasut napparsimasoq ilagalugu Kalaallit Peqqissartut Illuanni najugaqatigineranut atatillugu atugassarititaasut nalinginnaasut pillugit paasissutissat**

#### **Kalaallit Peqqissartut Illuanni najugarnermut atatillugu angallanneqarneq**

Qanigisaasup nammineerluni akisussaaffigaa Kalaallit Peqqissartut Illuannukarluni angalanissami aaqjissuullugulu akilernissaa angalaneq suminnngaaniit aallartinersoq apeqqutaatinnagu. Taamatuttaaq qanigisaasup Kalaallit Peqqissartut Illuanni najugaqartilluni angallanneqarnermut allanut tamanut aningaasaartuutaasut akilernissaat nammineerluni akisussaaffigaa.

#### **Saniatigut qanigisaasut allat**

Napparsimasoq inigisamini taamaallaat qanigisani ataasiinnaq ineqatigalugu najugaqatigisinnaavaa.

Napparsimasoq qanigisaasumik ataaseq sinnerlugu ilaqarpat, immikkut ittumik inissaqartitsisoqarpat siniffiliorqarsinnaavoq. Kalaallit Peqqissartut Illuanniit nalilerneqartassaaq immikkut ittumik siniffiliorneqartassaaq immikkut ittumik siniffiliornermi Kalaallit Peqqissartut Illuata akigititai atuutissapput.

#### **Oqalutseqartarneq**

Taamaallaat napparsimasut oqalutseqarnissaannut aningaasaliisoqarnikuvoq.

#### **Sumi najugaqarnermut uppersaat aammalu angalanermi napparsimalertermut sillimasiineq**

Napparsimasunut qanigisaasut Danmarkiminnermini peqqinnissaqarfimmiit sillimaserneqanngillat. Inuit Kalaallit Nunaanni najugaqartut utaqqiisaagalartumik Danmarkimittut sumi najugaqarnermut uppersaat atuuttoq

takutillugu tassangaannertumik inapparsimalertillutik attattuaannagassaminil-  
luunniit nappaamminnik tassangaannaq ajorseriassagunik akeqanngitsumik  
ikiorserneqarnissaminut pisinnaatitaaffeqarputT aamaattumik pingaaruteqar-  
poq qanigisaasut sumi najugarnermut uppersaammik nassataqarnissaat.  
Aammattaaq Peqqinnissaqarfimmit innersuutigineqarpoq Kalaallit Nunaata  
avataani angalanermi napparsimalernissamut sillimmasersimanissaq.

### **Nakorsaaitit**

Qanigisaasup nakorsaaitiminik nassarnissani nammineerluni akisussaaffigaa  
kiisalu aamma nammineerluni nakorsaaitissaminik nutaanik piniarnissani taakku-  
lu akilernissaat nammineerluni akisussaaffigalugu. Taamaattumik innersuus-  
sutigineqarpoq qanigisaasup akunnissimanissami sivirususaanut naleqqut-  
tumik nakorsaaitissaminik nammineerluni nassataqarnissaa.

### **Danmark-imiikkallarnermi nakorsamiit ikiorneqarneq**

Qanigisaasut nakorsiarnissartik pisariaqartilissagunikku nammineerlutik nakor-  
siarnissartik akisussaaffigaa.

### **Peqqissartut Illuanni sammisassaqaqtitsisarnerit**

Peqqissartut Illuannit sammisassatut neqeroorutaanut taamaallaat napparsi-  
masunut ingjallortitut akuerisaasut naatsorsuussaapput. Qanigisaasoq aqqis-  
suussanut sammisqaqtitsinernullu assigiinngitsunut peqataarusukkuni  
qanigisaasoq peqataanissamut nammineerluni akiliisassaaq.

### **Malugiuk**

Aqqissuussaq nutaaq qanigisaasunut peqqinnissaqarfimmit ingjallortitut akueri-  
saasunut malittarisassanut atuuttunut sunniuteqassanngilaq. Malittarisassat  
pineqartut Napparsimasup najugaqarfimmi avataani misissorneqarnerani  
katsorsarneranilu kiffartuussinerit pillugit Namminersornerullutik Oqartussat  
nalunaarutaat nr. 2, 24. januar 2005-meersumi takuneqarsinnaapput.

**Peqqissutsimut Naalakkersuisoqarfiup saqqummersitaa januar 2017**



## Qanigisaasut Kalaallit Peqqissartut illuanniittarnerat

Aqqissuussineq nutaaq ulloq 1. januar 2017-miit atuutilersoq



Assi: Ulrik Bang